

《中國地方藝文薈萃》編委會 編

中國地方藝文薈萃

學苑出版社

華東卷·第八輯 伍

華東卷·第八輯
伍

中國地方藝文薈萃

《中國地方藝文薈萃》編委會 編

德州师范学院内部使用

金陵詩徵四十四卷（四）

貴州师范学院内部使用

金陵詩徵四十四卷（四）

（清）朱緒曾輯

據清光緒十八年（一八九二）刻本影印

金陵詩徵卷二十六

上元朱緒曾編

明十六

羅 燾

燾字元溥一字淵泉上元貢生鳳之元孫光澤主簿

有淵泉集

明詩綜云元溥歲貢而郡邑志未詳何年盛仲交元牘記云吾鄉印岡太守藏金石

遺刻甲都城元孫厚溥許徧借觀之又王羲之雜帖吾鄉石阡太守印岡公所收元孫淵泉出以相示據

此知元溥乃萬曆時人

宿黃龍觀

杖藜迢遞尋仙源古祠遙見雲中旛空林山猿食栗響深澤
野懶銜魚喧道人步出懸崖下度竹穿松遠相訝焚香邀入
紫芝居為寫黃庭坐清夜

野興

山下雨欲來樹杪風先起蓬窗人讀書兀坐松蘿裏岩陰生
畫寒門靜喧流水縈紆路轉深滿地莓苔紫

閒臨白石邊立絕塵想雲來綠樹暗雨過蒼蘿長遠村牧
笛鳴小浦漁歌響淹留歸去遲月照蘆花港

看花行

春來頗有尋花興日日溪山探佳勝穿林繞樹經幾回逐蝶
隨蜂入幽逕紛紛紅葉正芳菲桃李枝上黃鸝飛濃香豔色
結羅綺游絲蕩漾牽晴暉扣門每到鄰翁圃更向僧家上花
塢攀條舉袖斷輕烟折蕊歆巾漬殘雨一春游冶興無窮終
日只坐花叢中攜尊約伴看不足常時沈醉臨春風人生遇
花須快賞莫待春歸空歎想花開花落春復秋百歲光陰一

翻掌

山莊訪鄰翁

睡起酒數盃微醺步阡陌扶鹿過前村相訪幽人宅野曠平
夕烟林疏澹秋色松深庭宇暗雲在窗楹白隔院聞禽聲當
階留鶴跡靜坐佳興生清晤塵機息悠然歸去遲傾懷憩泉
石蘿月出山頭天寒蹊徑僻

題沈石田秋江晚興圖

秋滿長空氣蕭索扁舟晚向懸厓泊覆波蘆荻弄寒聲繞岸
芙蓉綻秋色夜深明月映漁磯銀漢光澄星宿稀漁翁不寐
吹橫笛驚起灘頭鳧雁飛殘燈搖映荒林裏江水迷茫千萬
里孤篷短棹人未眠依汀炊爨疏烟起展圖玩對風景幽高
人畫手誰能倚揮毫濡墨寫長句令人逸思馳滄洲

言律二二二
二
暮秋宏濟寺江閣與海峯秋宇夜酌

鷺嶺諸塵遠晴江一鑑開雲消孤月上風靜片帆來水冷魚
龍伏天秋鴻雁哀臨流美清夜共醉菊花杯

寂照寺訪僧不遇

漫轉青蘿徑閒敲白板扉雲關僧已出烟樹鳥爭飛苔色侵
經案松枝挂衲衣深林獨回首空翠落霏霏

江城夜泊

西風城外繫扁舟水國迢遙一夕留疏雨孤燈橋下店斷雲
殘葉驛邊樓江涵秋色浮輕浪雁帶寒聲過別洲極目鄉關
烟樹裊不堪蕭瑟動離愁

秋晚秣陵道中

匹馬迢迢度遠村荒林烟火漸黃昏路經秋水橋全沒山帶

寒雲樹半吞蘆渚風生棲鶯鶯柴門人靜聚雞豚秣陵極目
增歸思暮景蕭蕭易斷魂

送司教黃野堂致政還莆

離歌一曲起江干目送孤帆過遠灘驛路晚山雲裏斷郵亭
秋樹雨中寒相逢最喜纔傾蓋回首那堪早挂冠聚散升沈
雖有數別離仍覺思漫漫

宿高座寺秋山禪房

夜靜虛堂孤磬清石壇雲去佛燈明月來半榻寒松影風起
滿山秋葉聲寺帶烟霞應入畫興耽邱壑欲忘名談經不覺
星河轉坐對高僧萬慮輕

天闕山居次海峯韻

石磴雲深路轉斜地臨天闕隔塵譁秋來信步聞尋寺曉起

詩卷二十一
三
科頭自濯花詩就小童知捧硯客來鄰叟爲供茶山林莫道
無交接門外時停長者車

安隱院閒坐

野寺閒尋支道林維摩居士會禪心開窗忽入松杉影隔院
時聞鐘磬音幽徑鹿眠芳草亂古壇僧定白雲深焚香趺坐
忘歸去不覺西巖日已沈

西莊晚興

漠漠長空鴻雁飛滿林秋色景霏微風來掃葉晴穿徑雨過
看山靜掩扉社鼓亂從村舍起漁歌遙送釣船歸山中自得
清閒趣塵世紛華久已違

覺上人茅庵寫興

山腰結靜廬白雲最深處曲徑護蒼蘿幽鳥時來去春殘畫

漸長晴簷度飛絮荒林景自奇闕寂無人語采芝入山行石
上偶箕踞山僧出柴關松陰忽相遇延之坐蒲團焚香叩經
句默坐證無生翛然絕塵慮

春日游牛首

雲裏龍宮傍石隈林閒鐘磬起香臺野花一樹雨中放山鳥
數聲風外來佛洞遠從松鳴入僧房斜見竹扉開耽遊載酒
穿芳徑不惜芒屨染綠苔

李思誠

思誠句容人春芳孫萬厯辛卯舉人戊戌進士官至

禮部尙書明史附傳

孫清字映碧崇禎辛未進士刑科給事中

嚴陵灘

危閣枕山阿秋深冑碧蘿澄潭星尙映孤石月偏多奔逐舟

頻去登臨碣徧摩古今懷釣隱人世幾漁簑

李思訓

思訓字子庭句容人春芳孫有晚好齋詩存子庭兄思謨字

聖彭工詩古文早卒思誠禮部尚書思敬萬曆辛卯舉人

閩溪

溪迴曲曲擁層螺積石中流折作波山合祇疑無路轉榔鳴始覺有船過海魚村店聞腥滿野竹人家接溜多薄醉倚篷堪聽鳥深林時度管絃和

雨登中宿峽飛來寺

茲山聞勝絕徑滑亦須捫峽束江流急巖高霧氣昏崩泉穿石隙嘯狖聚雲根莫便還飛去風生振殿門

李思聰

思聰字沮修自號再謫仙人句容人春芳孫有詩文

集十二卷北山詩話李沮修父茂功字健齋福建興化知府沮修徙居石城著聞老鶴河議城

守議江防議登臨詠古怡然終老有堪輿十二種行世子長科嗣東崇禎辛巳貢懷集知縣嗣京崇禎戊辰進士監察御史喬萬

歷己未進士兵部侍郎

繡羽亭

昭明舊隱居松月留古井俯仰剩空亭蕭然絕人境

張應觀

應觀高涓人萬歷戊戌歲貢甯國訓導同邑魏成忠字蓋卿一字

蓋隱萬歷辛卯舉人戊戌進士兵部主事陝西道御史山西按察使有題劉定詩妻葉氏節婦詩張葵字

秉淑一字桃庵晚稱岩棲野叟有新化寺詩陳詩有法華庵題句

天井泉

竹山有天泉泉流白如雪下應有潛龍龍潛水不竭歲潦不

知功歲旱功斯烈

孔衍昇

衍昇高滄人同邑孔應震有
等真觀古柏詩

禪河菴

招隄依水曲野艇泊蘆中山鼠窺厨竈春禽聒曉風六禪誰
問諦一畝自成宮靜坐消塵慮何須梵唄功

武光宸

光宸溧水人萬歷庚子歲貢官仁化知縣又武光會
萬歷丁酉

選貢官同知與同邑陳文昭字潛字客遊吳楚有竹
香齋集徐敷字希文有寄傲集許洪有徽恩閣詩王
可宗萬歷癸卯舉人厓州知州弟可學字景聖萬歷
丙午貢耶陽通判有覆紙集所詠瀨上貞女祠尤工
可學子民懷有問心集趙鳴舉字
鳴野有樂善齋漫吟均溧邑詩人

登望湖山次方伯叔韻

積陰懷轉鬱新霽喜空明翠嶂看孤聳青藜約共行雲隨芒履破風逐薜衣輕未有烟霞癖聊舒邱壑情

劉楚

楚字景孫溧水人有蕉房稿清溪草

遊乳山次壁閒韻

登臨身與白雲齊霄漢平捫近可躋萬里乾坤容睥睨數椽樓閣遂幽棲酒移黃菊籬邊酌詩向蒼苔石上題放鶴歸時人爛醉一鉤新月挂林西

卜有徵

有徵字伯符一字虬岩上元人萬厯庚子舉人昌邑知縣陞萊州同知仍管平定州事府同知兼平度知州有瞻紫堂灌月亭漫稿

虬岩歷任六年冰霜如一水旱賑濟設粥廠全活數

言卷二十一
十萬人行取入吏科補梧垣疏臣鄉災荒全賴牧令
一旦內轉頓失慈母乞就近陞本府同知仍管州事
卒之前一日民若見彩服入城障
廟至是傳像以祀仍祀萊州名宦

官舍秋懷

豈不思投組其如撫序深桐梧彫容鬢蟋蟀感秋心瘦馬嘶
官驛饑禽宿暮林放衙無一事擁鼻作清吟

謝黃鐘

黃鐘字元聲上元庠生

焦山

排雲宮闕結崔嵬島上僊人去不回沙市月明潮似雪海門
風起浪如雷深山自可藏高隱塵世何從辨劫灰獨坐松寥
思遠舉欲尋鵬背暫徘徊

姚履素